

Հիսուս Քրիստոսի
ապետարանի
Վերականգնումը





Աստված ձեզ սիրող Երկնային Հայրն է

Աստված ձեր Երկնային Հայրն է: Նա գիտի ձեզ անհատապես և սիրում է ձեզ ավելի, քան կարող եք պատկերացնել: Նա ուզում է, որ դուք երջանիկ լինեք այս կյանքում և հավերժության մեջ:

Իր նպատակն իրագործելու համար, Նա ավել է մի ծրագիր, որը կոչվում է Հիսուս Քրիստոսի **ավետարան***: Հիսուս Քրիստոսը Աստծո Որդին է. Նրա կյանքը և ուսմունքները պարզևս են խաղաղություն այս կյանքում և ուրախություն՝ հավերժության մեջ:

Մեր Երկնային Հայրը ետքերեց վերականգնված, աստվածային ճշմարտությունները, որ դուք կարողանաք սովորել և ապրել: Այդ ճշմարտություններն ի սկզբանե հայտնվել էին մարգարեներին:

Ավետարանն օրհնում է ընտանիքներին և անհատներին

Հիսուս Քրիստոսի ավետարանը օրհնում է բոլոր նրանց, ովքեր ընդունում են այն և ապրում են ըստ դրա: Ավետարանն ուսուցանելու և կիրառելու լավագույն վայրերից մեկը ընտանիքն է: Աստված հիմնել է ընտանիքները, որպեսզի երջանկություն պարզևս իր զավակներին, հնարավորություն տա սիրով լի մթնոլորտում սովորել ճիշտ սկզբունքները և պատրաստի մեզ մահանալուց հետո վերադառնալ Իր մոտ: Թեպետ ընտանեկան հարաբերությունները կարող են ժամանակի ընթացքում վատթարանալ, սակայն մեր Երկնային Հայրը օրհնում է մեզ, երբ մենք ձգտում ենք հետևել Հիսուս Քրիստոսի ուսմունքներին: Այդ ուսմունքներն օգնում են մեզ ամրապնդել մեր ընտանիքները:

Երկնային Հայրը հայտնում է Իր ավետարանը

Որպես Իր ծրագրի մի մաս, Աստված ընտրում է մարգարեներ, ինչպիսիք էին՝ Ադամը, Նոյը, Աբրահամը և Մովսեսը: Մարգարեները՝

- Ուսուցանում են Աստծո մասին և հանդիսանում են Նրա Որդու, Հիսուս Քրիստոսի, հատուկ վկաները:
- **Հայտնություն** կամ հրահանգ են ստանում Տիրոջից:
- Ուսուցանում են ավետարանն աշխարհին և մեկնաբանում են Աստծո խոսքը:

*Կարմիր գույնով բառերը սահմանվում են 18 և 19 էջերում:

Մարգարեները ստանում են **քահանայությունը**, կամ իշխանություն՝ Աստծո անունով խոսելու և գործելու համար՝ Նրա զավակներին առաջնորդելիս: Նրանք, ովքեր հետևում են մարգարեներին, ստանում են Աստծո խոստացած օրհնությունները: Նրանք, ովքեր մերժում են ավետարանը և Աստծո մարգարեներին, կորցնում են այդ օրհնություններն ու իրենց հեռացնում են Աստծուց: Նրանք, ովքեր մերժում են մարգարեներին և հրաժարվում Աստծուն հետևելու իրենց պարտավորությունից, հայտնվում են **ուրացություն** կոչվող վիճակում:

Հայտնված ճշմարտությունները կորսվում են, երբ մարդիկ մերժում են մարգարեներին:


Թեպետ Նրա զավակներից շատերը բազմիցս մերժել են Նրան ու Նրա մարգարեներին, մեր Երկնային Հայրը շարունակում է սիրել Իր զավակներին: Նա ցանկանում է մեզ տալ այն ամենը, ինչի կարիքը մենք ունենք, որպեսզի երջանիկ լինենք այժմ և վերադառնանք Նրա մոտ՝ մեր մահից հետո: Սուրբ

գրությունները հայտնում են այն միջոցը, թե ինչպես է Աստված օգնության հասնում իր զավակներին, թեև մենք միշտ չէ, որ լսում ենք.

- Աստված մարգարե է ընտրում:
- Մարգարեն ուսուցանում է ավետարանը և առաջնորդում է մարդկանց:
- Աստված օրհնում է մարդկանց:
- Մարդիկ հետզհետե արհամարհում կամ չեն հնազանդվում մարգարեի ուսուցումներին: Նրանք, վերջիվերջո, մերժում են մարգարեին ու նրա ուսուցումները, և ընկնում են ուրացության մեջ:
- Ուրացության պատճառով, մարդիկ կորցնում են ավետարանի մասին գիտելիքը: Քահանայության իշխանությունը վերցվում է նրանցից:
- Երբ ճիշտ ժամանակ է և մարդիկ պատրաստ են կրկին հետևելու Նրան, Աստված ընտրում է մարգարե, վերականգնում է քահանայությունը և Եկեղեցին, և պատվիրում է մարգարեին՝ ուսուցանել ավետարանը:

*Կարմիր գույնով բառերը սահմանվում են 18 և 19 էջերում:

Հիմ Կտակարանի մարգարեները գրել են Աստծո խոսքերը:





Հիսուս Քրիստոսը հիմնել է Իր Եկեղեցին

Արարման ժամանակից ի վեր, Աստծո զավակները անհամբեր սպասում էին Փրկիչ Հիսուս Քրիստոսի զալստին: Ինչպես մեր Երկնային Հայրը խոստացել էր, Նա ավելի քան 2,000 տարի առաջ երկիր ուղարկեց Իր Որդուն՝ Հիսուս Քրիստոսին:

Հիսուս Քրիստոսը ապրեց կատարյալ, անմեղ կյանքով: Նա հիմնեց Իր Եկեղեցին, ուսուցանեց Իր ավետարանը, և շատ հրաշքներ կատարեց: Նա ընտրեց տասներկու տղամարդկանց, որպեսզի լինեն Իր **Առաքյալները**, որոնց թվում էին Պետրոսը, Հակոբոսը և Հովհաննեսը: Նա ուսուցանեց նրանց և նրանց տվեց քահանայության իշխանությունը, որպեսզի նրանք սովորեցնեն Իր անունով և կատարեն սրբազան **արարողություններ**, ինչպիսիսն **մկրտությունն** է:

Երբ Հիսուսը հիմնեց Իր Եկեղեցին, Նա հրահանգներ ստացավ մեր Երկնային Հորից: Այնուհետև Նա հրահանգներ տվեց Իր աշակերտներին: Հիսուսն ուսուցանեց Իր հետևորդներին, որ Աստծուց ստացված հայտնությունն է՝ վեմը, որի վրա Նա կկառուցի Իր Եկեղեցին:

Իր կյանքի վերջում, Հիսուս Քրիստոսը տառապեց և մահացավ բոլոր նրանց մեղքերի համար, ովքեր ապրել են կամ կապրեն երկրի վրա: Այս գոհաբերությունը կոչվում է **Քավություն**: Իր տառապանքի, մահվան և **Հարության** միջոցով Փրկիչը մեզ համար հնարավոր դարձրեց ներումը: Նրանք, ովքեր հավատում են Նրան, ապաշխարում են և պահում են Նրա պատվիրանները, ստանում են մեղքերի թողություն և լցվում են խաղաղությամբ ու ուրախությամբ:

Հիսուս Քրիստոսը կազմակերպեց Իր Եկեղեցին.

- Նա կանչեց և կարգեց **Առաքյալներին**:
- Նա տվեց նրանց սովորեցնելու և մկրտելու Իր իշխանությունը: **Այդ իշխանությունը կոչվում է քահանայություն:**
- Իր մահից ու Հարությանից հետո, Նա շարունակեց առաջնորդել **Առաքյալներին՝ հայտնության միջոցով:**

*Կարմիր գույնով բառերը սահմանվում են 18 և 19 էջերում:

Իր հարությունից հետո, Հիսուս Քրիստոսը առաջնորդում էր Իր Առաքյալներին հայտնության միջոցով: Աստվածաշունչը շատ եղանակներ է նշում, որոնցով Նա շարունակում էր ղեկավարել Իր Եկեղեցին (տես Գործք Ժ; Հայտնություն Ա.1): Այդպիսով, Հիսուս Քրիստոսի Եկեղեցին ղեկավարվում էր ոչ թե մարդկանց, այլ Աստծո կողմից:

Մեծ Ուրացություն

Հիսուս Քրիստոսի մահից հետո, չար մարդիկ հալածեցին ու սպանեցին Եկեղեցու շատ անդամների: Եկեղեցու որոշ անդամներ էլ շեղվեցին Հիսուս Քրիստոսի և Նրա Առաքյալների ուսուցանած սկզբունքներից: Առաքյալները սպանվեցին, իսկ քահանայության իշխանությունը, ներառյալ Եկեղեցին ղեկավարելու և Եկեղեցու համար հայտնություն ստանալու բանալիները, վերցվեցին երկրի վրայից: Քանի որ Եկեղեցին այլևս չէր

Հիսուս Քրիստոսի

Առաքյալների մահվան հետ

կրկին ճշմարտությունը

կորավեց:

ղեկավարվում քահանայության իշխանությամբ, սխալ գաղափարներ սողոսկեցին Եկեղեցու ուսմունքների մեջ: Լավ մարդիկ և շատ ճշմարտություններ մնացին, սակայն ավետարանը, ինչպես հաստատվել էր Հիսուս Քրիստոսի կողմից, կորավեց: Այդ ժամանակաշրջանը կոչվում է Մեծ Ուրացություն:

Այդ ուրացության արդյունքում շատ եկեղեցիներ կազմավորվեցին իրար հակառոդ ուսմունքներով: Այդ ժամանակաշրջանում, շատ տղամարդիկ ու կանայք էին փնտրում ճշմարտությունը, սակայն նրանք անկարող էին գտնել այն: Շատ լավ մարդիկ հավատացին Աստծուն և Հիսուս Քրիստոսին, նրանք փորձում էին հասկանալ և ուսուցանել ճշմարտությունը, սակայն չունեին ամբողջ ավետարանը կամ քահանայության իշխանությունը: Արդյունքում, յուրաքանչյուր սերունդ ժառանգում էր ուրացության վիճակը, որի ժամանակ մարդկանց վրա ազդում էր այն, ինչը նախորդ սերունդներն էին փոխանցել իրենց, ներառյալ Քրիստոսի ավետարանի փոփոխությունները:

Որոշ ոգեշնչված մարդիկ, ինչպես օրինակ՝ Մարտին Լյութեր Քինգը և Ջոն Կալվինը, հասկանում էին, որ արարողակարգերն ու վարդապետությունները փոփոխվել կամ կորել են: Նրանք փորձում էին բարեփոխել եկեղեցիները, որոնց նրանք պատկա-

Աստված գիտեր, որ ուրացություն կլինի:

Հին Կտակարանի մարգարեի միջոցով

Նա ասել է.

«Ահա օրեր են գալիս . . . որ սով պիտի
նողարկեն երկրի վրա, ոչ թե հացի սով և ոչ
ջրի ծարավ, այլ Տիրոջ խոսքը լսելու.

Եվ [մարդիկ] պիտի թափառեն ծովից մինչև
ծով և հյուսիսից մինչև արևելք, և նորանք
պիտի ման գան Տիրոջ խոսքը որոնելու
համար, և պիտի չգտնեն»:

Ամուս Ը.11–12



նում էին: Ինչևէ, առանց քահանայության իշխանության Քրիստոսի ավետարանը չէր կարող վերադառնալ իր սկզբնական ձևին: **Վերականգնում** էր անհրաժեշտ:

Ավետարանի վերականգնումը

1820թ., ինչպես դարեր շարունակ եղել էր, մեր Երկնային Հայրը կրկին մարգարե ընտրեց, որպեսզի երկրի վրա վերականգնի ավետարանն ու քահանայությունը: Այդ մարգարեի անունը Ջոզեֆ Սմիթն էր: Լինելով պատանի, Ջոզեֆը խճճվել էր իր տարածքի եկեղեցիների տարբերությունների մեջ և ցանկանում էր իմանալ, թե որ եկեղեցին է ճիշտ: Գիտակցելով, որ ինքն իմաստության պակաս ունի, նա հետևեց Աստվածաշնչի խորհրդին. «Եթե մեկը ձեզանից իմաստության պակասություն ունի, թող խնդրե Աստուածանից, որ ամենին տալիս է առատությամբ և չէ նախատում, և կտրուի նորան» (Հակոբոս Ա.5):

Ջոզեֆ Սմիթը որոշեց հարցնել Աստծուն, թե ինչ պետք է ինքն անի: Երբ Ջոզեֆն աղոթեց ճշմարտությունն իմանալու համար, մեր Երկնային Հայրը և Հիսուս Քրիստոսը հայտնվեցին իրեն: Հիսուսն ասաց Ջոզեֆին, որ չմիանա ոչ մի եկեղեցու, քանի որ «դրանք բոլորն էլ սխալ էին» և «նրանք դեպի ինձ են հակված իրենց շուրթերով, մինչդեռ նրանց սրտերը հեռու են ինձանից, նրանք վարդապետություններ են ուսուցանում, որոնք մարդկանց պատվիրաններն են, և նրանք ունեն աստվածայնության կերպարանք, բայց ուրանում են նրա զորությունը» (Ջոզեֆ Սմիթ—Պատմություն 1.19):

Ջոզեֆ Սմիթը տեսավ
մեր Երկնային Հորն ու
Հիսուս Քրիստոսին: Այդ
մասին նա ասել է.

«Ես տեսա լուսեղեն մի
այլում իմ գլխավերևում, արևի
պայծառությունը գերազան-
ցող, որն աստիճանաբար
իջնում էր ցած, մինչև որ
ընկավ իմ վրա . . .

Երբ լույսը հանգչեց ինձ
վրա, ես տեսա երկու
Անձնավորություն, որոնց
պայծառությունն ու փառքը
ամեն նկարագրությունից
վեր էր, կանգնած ինձանից
բարձր, օդի մեջ: Նրանցից
մեկը խոսեց ինձ հետ, դիմե-
լով ինձ անունով, և ասաց՝
մատնացույց անելով մյու-
սին. – Մա է Իմ Սիրելի
Որդին: Լսի՛ր Նրան»:

Ջոզեֆ Սմիթ—Պատմություն
1.16–17

*Կարմիր գույնով բառերը սահմանվում են 18 և 19 էջերում:

**Մեր Երկնային Հայրը և Հիսուս Քրիստոսը հայտնվեցին Ջոզեֆ Սմիթին,
ինչպես ներկայացվում է Վերականգնում ֆիլմում:**

Ինչպես Աստված արել էր Ադամի, Նոյի, Աբրահամի, Մովսեսի և այլ մարգարեների դեպքում, Նա կանչեց Չոզեֆ Սմիթին, որպեսզի մարգարե լինի, որի միջոցով էլ ավետարանն ամբողջությամբ վերականգնվեց:

Քահանայության Վերականգնումը

1829թ. Չոզեֆ Սմիթը ստացավ այն նույն քահանայության իշխանությունը, որը Հիսուս Քրիստոսը տվել էր Իր Առաքյալներին: Հովհաննես Մկրտիչը, որը մկրտել էր Հիսուսին, հայտնվեց Չոզեֆ Սմիթին և նրան շնորհեց **Ահարոնյան Քահանայությունը**, կամ ավելի ցածր քահանայությունը: Ավելի ուշ Պետրոսը, Հակոբոսն ու Հովհաննեսը (Հիսուս Քրիստոսի նախկին երեք Առաքյալները) հայտնվեցին Չոզեֆ Սմիթին և նրան շնորհեցին **Մելքիսեդեկյան Քահանայությունը**, կամ քարձրագույն քահանայությունը:

Քահանայության իշխանությունը ստանալուց հետո, Չոզեֆ Սմիթին պատվիրվեց կազմավորել Հիսուս Քրիստոսի Եկեղեցին երկրի վրա: Նրա միջոցով, Հիսուս Քրիստոսը կրկին կանչեց Տասներկու Առաքյալներին:

Հիսուս Քրիստոսն ուղարկեց Հովհաննես Մկրտիչին, իսկ այնուհետև Իր երեք Առաքյալներին, որպեսզի քահանայության իշխանություն շնորհեն Չոզեֆ Սմիթին:

Ինչպես Հիսուս Քրիստոսն էր Իր Հարությունից հետո հայտնության միջոցով առաջնորդում Իր Առաքյալներին, Նա շարունակում է ղեկավարել Եկեղեցին այսօր կենդանի մարգարեների և առաքյալների միջոցով: Հիսուս Քրիստոսի Վերջին Օրերի Սրբերի Եկեղեցու Նախագահը Աստծո կողմից ընտրված մարգարե է այսօր: Նա, իր խորհրդականները և Տասներկու Առաքյալները կրում են քահանայու-

թյան իշխանությունը, որը նախկինում կրել են բոլոր մարգարեներն ու առաքյալները: Այդ տղամարդիկ մարգարեներ, տեսանողներ և հայտնողներ են:

**Կարմիր գույնով բառերը սահմանվում են 18 և 19 էջերում:*

Պետրոսը, Հակոբոսն ու Հովհաննեսը` Հիսուս Քրիստոսի Առաքյալները, Մելքիսեդեկյան Քահանայություն շնորհեցին Չոզեֆ Սմիթին:





Մորմոնի Գիրքը

Որպես ավետարանի Վերականգնման մի մաս, Աստված ի հայտ բերեց Մորմոնի Գիրքը. Եվս մեկ վկայություն Հիսուս Քրիստոսի մասին: Աստծո գործոթյամբ, Ջոզեֆ Սմիթը թարգմանեց այդ գիրքը ոսկե թիթեղների վրա գրված հնագույն հիշատակարանից: Մորմոնի Գիրքը «մի հիշատակարան է՝ Աստծո գործերի մասին, Ամերիկաների հնագույն բնակիչների հետ և պարունակում է հավիտենական ավետարանի լրիվությունը» (Մորմոնի Գրքի նախաբան):

Մորմոնի Գիրքը գորեղ վկայություն է Հիսուս Քրիստոսի մասին: Այն օգնում է մեզ հասկանալ Նրա ուսմունքները, ներառյալ Աստվածաշնչում տրված ուսմունքները:

Մորմոնի Գիրքը համոզիչ պացույց է Ջոզեֆ Սմիթի միջոցով կատարված ավետարանի Վերականգնման մասին: Դուք ինքնուրույն կարող եք իմանալ, որ Մորմոնի Գիրքը ճշմարիտ է: Այդ գիտելիքը ձեռք բերելու համար, դուք պետք է կարդաք այն, խորհեք դրա ուղերձի շուրջ, և ցանկանաք իմանալ, արդյո՞ք այն ճշմարիտ է: Դուք պետք է խնդրեք ձեր Երկնային Հորը, որպեսզի Նա հաստատի, որ դա իր խոսքն է: Եթե այդպես վարվեք, Նա **Սուրբ Հոգու** միջոցով կհայտնի ձեզ, որ այն ճշմարիտ է:

Երբ իմանաք, որ Մորմոնի Գիրքը ճշմարիտ է, դուք նաև Սուրբ Հոգու օգնությամբ կիմանաք, որ Ջոզեֆ Սմիթը Աստծո մարգարե էր, որ Հիսուս Քրիստոսի ավետարանը վերականգնվել է նրա միջոցով, և որ Հիսուս Քրիստոսի Վերջին Օրերի Սրբերի Եկեղեցին այսօր առաջնորդում են մարգարեն և առաքյալները:

Դուք կարող եք իմանալ, որ այն ինչ միսիոներներն ուսուցանում են, ճշմարիտ է, եթե կարդաք և աղոթեք Մորմոնի Գրքի վերաբերյալ.

«Եթե դուք հարցնեք մաքուր սրտով, անկեղծ միտումով, հավատք ունենալով առ Քրիստոս, նա կհայտնի ձեզ դրանց ճշմարտության մասին Սուրբ Հոգու գործությամբ:

Եվ Սուրբ Հոգու գործությամբ դուք կարող եք իմանալ ճշմարտությունը բոլոր բաների վերաբերյալ»:

Մորմոնի 10.4–5

*Կարմիր գույնով բառերը սահմանվում են 18 և 19 էջերում:
Հիսուս Քրիստոսի կատարած այցը Ամերիկաներ գրված է Մորմոնի Գրքում:

Ինչպե՞ս կարող եմ իմանալ:

Դուք կարող եք իմանալ, որ այս ուղերձը ճշմարիտ է: Եթե աղոթքով հարցնեք ձեր Երկնային Հորը, Սուրբ Հոգու միջոցով կարող եք պատասխան ստանալ Նրանից: Սուրբ Հոգին նաև

կոչվում է Աստծո Հոգի, և Նրա դերերից մեկը ճշմարտության մասին վկայելն է:

Ինչպե՞ս պետք է ես աղոթեմ:

- **Դիմեք ձեր Երկնային Հորը:**
- **Հայտնեք ձեր սրտի զգացումները (երախտագիտությունը, հարցերը, խնդրելով հաստատել, որ Մորմունի Գիրքը և միսիոներների ուսուցանածը ճշմարիտ է):**
- **Փակեք աղոթքը («Հիտու Քրիստոսի անունով, ամեն»):**

Այդ գիտելիքը կարող է լինել զարմանահրաշ և կյանքը փոխող, սակայն այն սովորաբար գալիս է որպես հանգիստ հավաստիացում՝ առանց Աստծո զորության տպավորիչ դրսևորման: Սուրբ Հոգին հաստատում է ճշմարտությունը զգացումների, մտքերի և ունեցած տպավորությունների միջոցով: Ինչպես ուսուցանվում է Աստվածաշնչում. «Հոգու պտուղն է՝ սեր, ուրախություն, խաղաղություն, երկայնամտություն, քաղցրություն, բարություն, հավատք, հեզություն, [և] ժուժկալություն» (Գաղատացիս Ե.22–23): Սուրբ Հոգուց եկած այդ զգացումները անհատական հայտնություն են ձեզ, որ Ջոզեֆ Սմիթի միջոցով վերականգնված Հիտու Քրիստոսի ավետարանը ճշմարիտ է: Այնուհետև դուք կարող եք ընտրել, արդյո՞ք կապրեք ձեր ստացած գիտելիքի հետ ներդաշնակության մեջ:



Տերմինների ցանկ

Ահարոնյան Քահանայություն Ավելի ցածր քահանայություն:

Այս քահանայությունը ներառում է մկրտելու իշխանություն և Աստվածաշնչի Հին Կտակարանում կոչվել է Ահարոնի անունով:

Առաքյալ Պաշտոն, որը Հիսուս Քրիստոսը տվեց տասներկու տղամարդկանց, որոնց երկրի վրա Իր ծառայության ընթացքում Նա ընտրել էր որպես Իր ամենամտերիմ գործընկերներ և, որոնց Նա տվել էր Իր անունով գործելու իշխանություն: Ինչպես հին օրերում, Առաքյալը Հիսուս Քրիստոսի հատուկ վկան է և իշխանություն ունի Նրանից:

Ավետարան Մեր Երկնային Հոր ծրագիրը, որը պետք է օգնի մեզ խաղաղություն ունենալ այս կյանքում և ուրախություն՝ հավերժության մեջ: Ավետարանը կենտրոնացած է Հիսուս Քրիստոսի Քավության վրա, և մեզանից պահանջում է հավատալ Նրան, ապաշխարել, մկրտվել, ստանալ Սուրբ Հոգին և համբերել մինչև վերջ:

Արարողություն Սրբազան, հաստատված կարգով կատարվող գործողություն, որը կատարվում է քահանայության իշխանությամբ: Օրինակ, մկրտությունը:

Հայտնություն Աստծո և Նրա զավակների միջև հաղորդակցություն, որը սովորաբար կատարվում է Սուրբ Հոգու միջոցով: Անհատները կարող են հայտնություն ստանալ՝ իրենց կյանքն ուղղորդելու համար, սակայն միայն մարգարեն կարող է հայտնություն ստանալ ամբողջ աշխարհի համար: Հայտնությունը գալիս է տարբեր ձևերով, սակայն հիմնականում այն գալիս է մտքերի, զգացումների և տպավորությունների ձևով:

Հարություն Ֆիզիկական մահից հետո հոգու վերամիավորումը կատարյալ դարձած մահից ու ոսկորներից կազմված ֆիզիկական մարմնի հետ: Հիսուս Քրիստոսը առաջինն էր, որ հարություն առավ:

Մեքիսեդեկյան Քահանայություն Ավելի բարձր քահանայություն: Աստվածաշնչի Հին Կտակարանում այն կոչվել է Մեքիսեդեկի անունով, որը արդար քահանայապետ և թագավոր էր:

Մկրտություն Էական քայլ մեղքերի թողություն ստանալու համար: Մկրտվելով և քահանայության իշխանությամբ հաստատվելով, մենք դառնում ենք Հիսուս Քրիստոսի Վերջին Օրերի Սրբերի Եկեղեցու անդամներ: Ընկղմամբ մկրտությունը նշանակում է, որ մկրտվող մարդը մի քանի վայրկյանով ընկղմվում է ջրի մեջ:

Սկրտությունը ցույց է տալիս Քրիստոսի օրինակին հետևելու և Աստծո հետ ուխտեր կապելու մեր պատրաստակամությունը:

Սուրբ Հոգի Նաև կոչվում է Աստծո Հոգի և Մխիթարիչ: Նա վկայում է Երկնային Հոր և Հիսուս Քրիստոսի մասին, հայտնում և ուսուցանում է ճշմարտությունը:

Վերականգնում Ինչ-որ բան իր նախկին վիճակին բերել. վերահաստատել այն, կրկին նորովի ետ բերել այն: Երկրի վրայից ճշմարտությունն ու իշխանությունը կորսվելուց հետո, ավետարարները վերականգնվեց Մարգարե Չոզեֆ Սմիթի միջոցով: Վերականգնումը տարբերվում է բարեփոխումից նրանով, որ *բարեփոխում* նշանակում է ձևափոխել գոյություն ունեցող կազմակերպությունը կամ սահմանված կարգը՝ փորձելով վերադարձնել այն իր նախնական վիճակին, մինչդեռ *վերականգնել* նշանակում է ամբողջովին վերահաստատել նախկինում գոյություն ունեցած կազմակերպությունը կամ հաստատված կարգը:

Ուրացություն Երբ մարդը, Եկեղեցին կամ մի ամբողջ ազգ հեռանում կամ հրաժարվում է Հիսուս Քրիստոսի ավետարանից: Ուրացությանը հետևում են բաժանումներ, խառնաշփոթ և կորսվում է քահանայության իշխանությունը կամ Աստծո անունով գործելու իրավունքը:

Քահանայություն Աստծո իշխանություն և զորություն:

Աստված տալիս է այս զորությունը Իր անունով գործելու համար: Ահարոնյան Քահանայությունը վերականգնվեց Չոզեֆ Սմիթին հովհաննես Սկրտչի կողմից, որը մկրտեց Հիսուսին: Մելքիսեդեկյան Քահանայությունը վերականգնվեց Հիսուսի Տասներկու Առաքյալներից երեքի՝ Պետրոսի, հակոբոսի և հովհաննեսի կողմից:

Քավություն Իրադարձություն, որը հնարավորություն է ընձեռում մեզ հաշտվել Աստծո հետ: Քավել նշանակում է պատիժ կրել մեղքի համար, որով ապաշխարող մեղսավորից հեռացվում է մեղքի ազդեցությունը: Հիսուս Քրիստոսը միակն էր, որը կարող էր կատարյալ Քավություն կատարել ողջ մարդկության համար: Նրա Քավությունը ընդգրկում էր Նրա տառապանքը մեր մեղքերի համար, Նրա արյուն հեղելը, Նրա մահն ու հարությունը: Քավության շնորհիվ ամեն ոք, ով ապրել է, հարություն կառնի: Քավությունը նաև մեզ հնարավորություն է տալիս մեր մեղքերից թողություն ստանալ և հավերժ ապրել Աստծո հետ:

Լրացուցիչ ուսումնասիրություն

Տեսույալ հարցերն ու սուրբ գրությունները կօգնեն ձեզ ավելին սովորել այս բրոշյուրում տրված սկզբունքների մասին և խորհել դրանց շուրջ: Ցանկը ամբողջական չի. սուրբ գրությունների տողատակի ծանոթագրությունները և խաչածև վկայակոչումները կուղղորդեն ձեզ լրացուցիչ հատվածներին ու աղբյուրներին:

Ի՞նչ է նշանակում ձեզ համար, որ Աստված ձեր Երկնային Հայրն է:

Մաղաքիա Բ.10 (Աստվածաշունչ, Հին Կտակարան)

Եբրայեցիս ԺԲ.9-10 (Աստվածաշունչ, Նոր Կտակարան)

Ո՞րն է մարգարեի դերը: Ինչո՞ւ է կարևոր իմանալ, որ Աստված խոսում է մարգարեների հետ:

Ամովս Գ.7 (Աստվածաշունչ, Հին Կտակարան)

Հակոբ 4.4-6 (Մորմոնի Գիրք, էջ 125)

Ի՞նչ է նշանակում ունենալ քահանայության իշխանություն: Ինչպե՞ս է որևէ մեկը ստանում այդ իշխանությունը:

Մատթեոս Ժ.1 (Աստվածաշունչ, Նոր Կտակարան)

Հովհաննես ԺԵ.16 (Աստվածաշունչ, Նոր Կտակարան)

Ի՞նչ է տեղի ունենում, երբ այդ իշխանությունը կորսվում է:

Ամովս Ը.11-12 (Աստվածաշունչ, Հին Կտակարան)

1 Նեփի 13.24-29 (Մորմոնի Գիրք, էջ 25-26)

**Գիտելի՞ն արդյոք Հիսուսի Առաքյալները, որ
ուրացություն պետք է լինի:**

Գործք Ի.28–31 (Աստվածաշունչ, Նոր Կտակարան)

Բ Թեսաղոնիկեցիս Բ.2–3 (Աստվածաշունչ, Նոր Կտակարան)

Բ Տիմոթեոս Դ.3–4 (Աստվածաշունչ, Նոր Կտակարան)

**Ի՞նչ է նշանակում ձեզ համար, որ Հիսուս Քրիստոսի
ավետարանը վերականգնվել է Չոզենֆ Սմիթի միջոցով:**

Մարգարե Չոզենֆ Սմիթի Վկայությունը (բրոյշուր)

**Ի՞նչ է Մորմոնի Գիրքը: Ինչպե՞ս է այն վկայում Չոզենֆ
Սմիթի մարգարե կանչվելու մասին:**

Մորմոնի Գրքի տիտղոսաթերթ

Մորմոնի Գրքի նախաբան

Ո՞րն է Սուրբ Հոգու դերը:

Ալմա 5.45–47 (Մորմոնի Գիրք, էջ 233–234)

Մորմոնի 10.3–5 (Մորմոնի Գիրք, էջ 591–592)

Երկրպագներ մեզ հետ

Եկեք և տեսեք, թե ինչպես կարող է Վերականգնված Ավետարանը օրհնել ձեր կյանքը



Նաղորդության ժողովը երկրպագության հիմնական ծառայությունն է: Այն սովորաբար տևում է մեկ ժամից մի փոքր ավել և հիմնականում բաղկացած է հետևյալ մասերից.

Օրհներգեր. Երգում են ներկա գտնվողները: (Հիմների գրքերը տրամադրվում են:)

Աղոթքներ. Ասվում են Եկեղեցու տեղի անդամների կողմից:

Հաղորդություն. Հացն ու ջուրն օրհնվում և բաժանվում է ներկաներին՝ ի հիշատակ Հիսուս Քրիստոսի Քավության:

Քամայտություն. Սովորաբար նախապես նշանակված մեկ կամ երկու անդամներ խոսում են ավետարանի թեմաներով:

Հազրատ. Տղամարդիկ և տղաները հիմնականում հազնում են կոստյում կամ գեղեցիկ տաբատ, վերնաշապիկ և փողկապ: Կանայք և աղջիկները հազնում են զգեստ կամ կիսաջրջագեստ:

Երկրպագության ծառայությունների ընթացքում նվիրատվություններ կատարելու անհրաժեշտություն չկա:

Մենք նաև հրավիրում ենք ձեզ հաճախել մյուս ժողովներին, ըստ ձեր հետաքրքրությունների և տարիքային խմբի: Այդ ժողովների հերթականությունն ու առկայությունը կարող է տարբեր լինել:

Կիրակնօրյա Պարոզ. Դասեր սուրբ գրություններն ու ավետարանի վարդապետություններն ուսումնասիրելու համար:

Քահանայության ժողովներ. Դասեր 12 և բարձր տարիքի տղամարդկանց և տղաների համար:

Սիրովող Միություն. Դասեր 18 և բարձր տարիքի կանանց համար:

Երիտասարդ Կանայք. Դասեր 12–18 տարեկան աղջիկների համար:

Երեխաների Խոսք. Խմբային դասեր 3–11 տարեկան երեխաների համար: 18 ամսականից մինչև 3 տարեկան երեխաների համար հաճախ գործում է մանկական սենյակը:



Հաղորդության ժողովի ժամերը. _____

Հավաքատան հասցեն. _____

Ի՞նչ պետք է ես անեմ:



• Կարդացեք Մորմոնի Գիրքը:
Առաջարկված գրականությունը. _____

• Աղոթեք՝ իմանալու համար, որ Ջոզեֆ Սմիթը մարգարե էր և Մորմոնի Գիրքը Աստծո խոսքն է:

• Հաճախեք եկեղեցի:

• Վճռեք, թե արդյոք կհետևեք Փրկչին՝ մկրտվելով: Մկրտության անսափիլը. _____

• Այցելեք www.mormon.org Հիսուս Քրիստոսի վերականգնված ավետարանի մասին ավելին սովորելու համար:

• Շարունակեք հանդիպել միսիոներներին՝ մեր օրերի մարգարեների միջոցով Աստծո կողմից վերականգնված ճշմարտությունների մասին ավելին սովորելու համար:

Հաջորդ պայմանավորվածությունը. _____

Միսիոներների անուններն ու հեռախոսի համարները:

ՀԻՍՈՒՍ
ՔՐԻՍՏՈՍԻ
ՎԵՐՋԻՆ ՕՐԵՆԻ ՍՐԲԵՐԻ
ԵԿԵՂԵՑԻ

www.mormon.org

Նկարներ

Շնամի կազմը. Կորած գառը. Դեյ Փարսոն: © Del Parson. Մի բազմապատկեր:
Էջ 5՝ Հատված Եսայիա մարգարեն կամ Ջեանեումս է Քրիստոսի ծնունդը: Ավարից, Հարի Ամոնիսոնի
Էջ 6՝ Հատված Քրիստոսը կարգում է տասներկու Առաքյալներին: Ավարից, Հարի Ամոնիսոնի
Էջ 13՝ Հատված Մեղիստեղեկան Բախանալոթյան վերականգնումը: Ավարից, Քեմետ Ռայլիի
Էջ 14՝ Հատված Հիսուս Քրիստոսը այցելում Ամերիկաները: Ավարից, Ջոն Սքոտի
Էջեր 17, 22, 23 Marina Lukach

ARMENIAN



4 02011 32201 8

01132 201